

Pengumuman Media
Diembargo sehingga 9.30mlm, Selasa, 2 September 2023



BULAN BAHASA 2023
MERAIKAN BAHASA MELALUI BUDAYA MELAYU YANG KAYA

2 September 2023 – Majlis Bahasa Melayu Singapura (MBMS) mempersembahkan majlis pelancaran Bulan Bahasa 2023 menerusi saluran Mediacorp Suria pada Sabtu, 2 September 2023, 8.30 malam. Majlis tersebut dilancarkan oleh tetamu kehormat, Menteri Pembangunan Negara dan Menteri Bertanggungjawab bagi Integrasi Khidmat Sosial, Encik Desmond Lee. Program ini kini boleh ditonton melalui saluran MeWATCH.

Dalam ucapannya, tetamu kehormat, Encik Desmond Lee menekankan kerelevanan bahasa Melayu dalam menerapkan nilai-nilai penting seperti adab, rendah hati dan kehidupan harmoni. Beliau menggalakkan masyarakat untuk terus menggunakan bahasa Melayu dengan bermakna, dan menyertai program-program yang disediakan sempena Bulan Bahasa 2023.

Pengerusi Jawatankuasa Bulan Bahasa, Encik Zhulkarnain Abdul Rahim juga mengucapkan terima kasih kepada rakan-rakan kerjasama atas dedikasi dan komitmen mereka untuk menyediakan program-program bahasa. Beliau berkata, “Pelestarian bahasa Melayu dapat diteruskan kerana adanya sumbangan dan usaha pelbagai pihak. Ini termasuklah kumpulan-kumpulan seni, sekolah, MAEC dan penggiat bahasa yang telah bertungkus lumus untuk menjayakan Bulan Bahasa setiap tahun, tanpa mengenal erti lelah.”

Program yang Mengetengahkan Seni Budaya Melayu yang Kaya

Bagi program pelancaran tahun ini, kesenian dan kebudayaan Melayu menjadi tumpuan untuk memaparkan penggunaan bahasa Melayu yang dinamik. Dengan susunan muzik yang diterajui Duta Bahasa, Megat Firdaus, program tahun ini menyemarakkan lagi sambutan bahasa yang menarik. Program ini diacarakan oleh Duta Bahasa Khairudin Saharom dan Izyan Mellyna.

Para penonton disambut dengan persembahan pembukaan dikir barat yang bertenaga oleh kumpulan tempatan Makyong Kedek dan Dang Anom, dengan vokal utama, Duta Bahasa Aqmal N dan Anis Qurratu'aini. Program kemudian menampilkan persembahan lagu-lagu

Pengumuman Media
Diembargo sehingga 9.30mlm, Selasa, 2 September 2023



Melayu klasik oleh Suryana Norddin, Puteri Emily dan Alfan Ryan, diiringi muzik secara langsung oleh Orkestra Sri Temasek, dan penari-penari Perkumpulan Seni.

Seni sastera Melayu juga banyak diketengahkan dalam program ini, melalui sesi jual beli pantun dan deklamasi puisi. Penonton di studio juga terlibat dalam sesi jual beli pantun bersama Pengerusi MBMS, Encik Fahmi Aliman dan Pengerusi Jawatankuasa Bulan Bahasa, Encik Zhulkarnain Abdul Rahim. Duta Bahasa yang baru dilantik, Afi Hanafi, Nursha Ismail, Nuzhan Halim dan Syafiqah 'Adha turut menyajikan sebuah persembahan yang mempesonakan. Mereka mendeklamasikan syair dan sajak, melafazkan kata-kata semangat dan harapan, sekali gus mengajak masyarakat menghargai bahasa Melayu.

Mengiktiraf Bakat Muda dan Kerjasama Masyarakat

Program pelancaran Bulan Bahasa turut mengetengahkan bakat-bakat baharu dalam kalangan Rakan Bahasa. Rakan Bahasa dari Sekolah Menengah Deyi dan Sekolah Rendah Geylang Methodist telah mendapatkan penyertaan orang awam di daerah Geylang Serai dalam sebuah kuiz peribahasa, dan telah menemuramah MAEC Kelab Masyarakat Tampines Central, yang juga merupakan rakan kerjasama Bulan Bahasa. Rakan-rakan kerjasama lain yang turut ditampilkan dalam program ini termasuk MAEC Kelab Masyarakat Keat Hong yang membawakan sedutan persembahan teater mereka, serta Kamal Arts, yang telah menyajikan sebuah lukisan batik.



Pengumuman Media
Diembargo sehingga 9.30mlm, Selasa, 2 September 2023

Untuk maklumat lanjut, sila hubungi:

Cik Liyana Nasyita
Penolong Pengurus (Sekretariat, MBMS)
Jabatan Bahasa
Lembaga Warisan Negara
E-mel: liyana_nasyita@nhb.gov.sg

Mengenai Bulan Bahasa anjuran Majlis Bahasa Melayu Singapura

Bulan Bahasa pertama kali dilancarkan pada tahun 1988 oleh Majlis Bahasa Melayu Singapura (MBMS) dan diadakan dua tahun sekali. Sejak 2011, ia menjadi sambutan tahunan yang terus menarik minat, penyertaan dan sokongan masyarakat.

Sebagai daya usaha unggul MBMS, Bulan Bahasa menggalakkan masyarakat menghargai dan menggunakan bahasa Melayu dalam kehidupan mereka dalam usaha melestarikan warisan masyarakat Melayu.

Untuk maklumat lanjut mengenai MBMS dan Bulan Bahasa, sila lungsur mbms.sg, [@bulanbahasa](https://www.instagram.com/bulanbahasa) di Instagram dan [facebook.com/majlisbahasa](https://www.facebook.com/majlisbahasa). Untuk Kalendar Acara Bulan Bahasa 2023, sila klik "Muat Turun Kalendar" di laman mbms.sg.

Tema Bulan Bahasa

Tema Bulan Bahasa 'Cita. Citra. Cinta. Bahasa Kita.' menggambarkan langkah kita mengharungi era baharu. 'Cita' menggambarkan keinginan, hasrat dan harapan masyarakat dalam usaha untuk mengekalkan kerelevanan penggunaan bahasa Melayu. 'Citra' memaparkan kepelbagaian dan kesesuaian bahasa Melayu sebagai bahasa ilmu dan perantaraan. 'Cinta' pula memaparkan minat masyarakat untuk menyanjung nilai dan seni bahasa Melayu yang indah.



Pengumuman Media

Diembargo sehingga 9.30mlm, Selasa, 2 September 2023

Annex A

Gambar-gambar di Sebalik Tabir Majlis Pelancaran Bulan Bahasa 2023



Duta Bahasa



Encik Desmond Lee (Tetamu Kehormat, *keempat dari kanan*), bersama Duta Bahasa 2023, Encik Fahmi Aliman (Pengerusi MBMS, *paling kiri*) dan Encik Zhulkarnain Abdul Rahim (Pengerusi Jawatankuasa Bulan Bahasa, *paling kanan*)



Pengacara, penyanyi dan penari bagi program pelancaran



Persembahan syair dan sajak oleh Duta Bahasa 2023

Pengumuman Media
Diembargo sehingga 9.30mlm, Selasa, 2 September 2023



Encik Desmond Lee (Tetamu Kehormat), bersama Encik Fahmi Aliman (Pengerusi MBMS) dan Encik Zhulkarnain Abdul Rahim (Pengerusi Jawatankuasa Bulan Bahasa)



Encik Zhulkarnain Abdul Rahim (Pengerusi Jawatankuasa Bulan Bahasa) berbalas pantun bersama penonton di studio



Seorang penonton studio membalas pantun bersama Pengerusi Jawatankuasa Bulan Bahasa



Persembahan oleh Puteri Emily, Suryana Norddin dan Anis Qurratu'aini

Pengumuman Media
Diembargo sehingga 9.30mlm, Selasa, 2 September 2023



Encik Kamal Dollah dari Kamal Arts menunjukkan hasil lukisan batiknya



Ahli-ahli MBMS, ahli-ahli Jawatankuasa Bulan Bahasa dan Duta Bahasa

Untuk memuat turun gambar, sila lungsuri [pautan](#) ini